

PEMBERITAHU PERTANYAAN DEWAN RAKYAT

PERTANYAAN :

LISAN

DARIPADA :

**Y.B. TAN SRI DATUK SERI PANGLIMA
JOSEPH PAIRIN KITINGAN [KENINGAU]**

TARIKH :

25.5.2016

SOALAN :

Tan Sri Datuk Seri Panglima Joseph Pairin Kitingan [Keningau] minta **MENTERI PENDIDIKAN** menyatakan sama ada ada kebenaran Kementerian akan mewujudkan jawatan Pembantu Pengajar di sekolah yang lebih murid dan jika ya, bilakah ia akan dilaksanakan.

JAWAPAN

Tuan Yang di-Pertua,

Sehingga kini pelaksanaan bagi mengurangkan beban kerja pentadbiran guru telah dijalankan melalui program *National Blue Ocean Strategy (NBOS)* - Pemantapan Profesional Guru (PPG): *Repositioning of Teachers' Core Duties* di negeri Melaka dan Kedah. Seramai 1,041 orang telah dilantik secara Pekerja Sambilan Harian merangkumi **860 Pembantu Guru** dan **181 Juruteknik Komputer** untuk membantu guru di sekolah dua negeri tersebut.

Program NBOS-PPG tersebut dilaksanakan bagi membantu Guru Data, Guru Perpustakaan dan Media, Guru Penyelaras Bestari dan Guru Akademik Biasa yang berkhidmat di sekolah.

Modus operandi yang digunakan untuk mengurangkan beban tugas pentadbiran guru di sekolah adalah dengan penajaran jadual waktu mengajar guru, penyediaan tugas pembantu guru dan penempatan pembantu guru di sekolah berdasarkan enrolmen murid. Bagi sekolah yang mempunyai enrolmen murid melebihi 150 orang maka seorang pembantu guru akan ditempatkan untuk membantu urusan Guru Data, Guru Perpustakaan Media dan Guru Akademik Biasa.

Buat masa ini jawatan Pembantu Guru tersebut adalah bertaraf Pekerja Sambilan Harian. Walau bagaimanapun, peluasan program NBOS – PPG kepada negeri lain adalah bergantung kepada kelulusan peruntukan oleh Kementerian Kewangan. Setakat ini peluasan tidak dapat dilaksanakan akibat kekangan kewangan Kementerian.

RJM72